

COMUNICATO n. 463 del 05/03/2024

Traduzione in mòcheno

Trentin ont Land Tirol, der protokol ver za u'learnen zboa sprochen

[Mòcheno] Gea' envire ont versterchern de mitòrbet ont s learnen zboa sprochen en de schualn va Trea't ont va Innsbruck, s ist s doi zan lestn de rif van protokol za gea' oa'ne zbischn de autonome Provinz va Trea't ont der Land Tirol u'ganommen en vrait a en 1 va merz va de provinzal Junta vourtschbinnt van Vicepresident Francesca Gerosa. "Ver mi ist runt bichte derhòltn naiòrbetn abia de sèll as hòt va betrèff der doi protokol - hòt kein der vicepresident no de Junta. - S ist a mitòrbet ver za mòchen sezionen as learnen zboa sprochen en de zbaite schual va earste grad, pet zòmmprojektn zbischn Trea't ont Innsbruck, petn o'min se va a toal learner. I moa' as attivitetn abia de doi hèlven, trong envire ont verpersern s kennen va de taitsch sprochen, ver de learner ont gor ver de trentiner studentn en a sich "euroregional".

Tsechen s bèrt van learnen zboa sprochen, as de viarer van schualninnrichtn as hom toal ganommen en projekt sai' kontent, tsechen as de jungen tea' guat u'nemmen ont as de autonome Provinz va Trea't ont der Land Tirol billn envire gea' pet de mitòrbetn as sai' iaz en de schualn van zboa' eirter, de mosnemm as ist kemmen u'ganommen billt envire gea' pet de sezionen as learnen zboa sprochen pet zòmmprojektn zbischn Trea't ont Innsbruck.

Der protokol, as gea't envire van 2005, nimmt u' der Institut Trea't 2 va Cognola abia schual va zboa sprochen as mòcht toal van projekt. En de najeketn as sai' kemmen u'ganommen van protokol ist de regl as de learner as mòchen toal van meivernse en Land Tirol meing nèt plaim mear as viar jarder.

De learner van Trentin as learnen en Tirol ver a zait meing asou pesser learnen de sprochen, learnen de kultur van lòn as tuat sa innlonen ont de moglechkait za bòcksn en de òrbet ont u'nemmen òndra virm za learnen. Benn as de kearn um en de schual van Trentin, de learner barn zoang en de kollegen sèll as de hom galeart ont asou der projekt ist gor an vurm as hilft za "lernen de learner", en an europischesicht, pet de rif za versichern an sistem va qualitet ver za u'learnen, pet ausòndera, as innhòltn ont naia virm za learnen.

Ibersetz gamòcht van Sprochtirl va de Tolgamoas'chòft Hoa Valzegu' ont Bersntol

(cdt)